

Constituziun

approvada da las votantas e dals votants ils 10 da zercladur 2018

Cristus di:
«Vus essas il sal da la terra.»
(Mt. 5, 13)

I. Referenzas giuridicas

Art. 1

¹ La Baselgia evangelic-refurmada dal Grischun è la cuminanza da tuttas **Fundament** persunas che fan part d'ina da sias plaivs.

² Ella sa basa sin Dieu e sin l'Evangelì da Jesus Cristus cun sia forza liberanta e da mussavia. Ella è sortida da la Reformaziun e sa renovescha cuntinuadamain or dal dialog animà cun il pled da Dieu en la Bibla e cun la societad.

Art. 2

¹ La Baselgia evangelic-refurmada dal Grischun porta l'Evangelì biblic en **Missiun** noss temp. Ella entra en giavischs e dumondas dals umans ed accompagna els tar la tschertga dal senn e da l'orientaziun.

² Ella realisescha questa incumbensa sco cuminanza che ura, festivescha, emprenda e sa furma, pastoralà, diaconica, missiunarica e profetica. En emprima lingia festivescha ella servetschs divins ed ils dus sacraments bat-ten e sontga tschaina. Ella è solidarica cun tuts umans ch'èn dischavantiads e che patischan. Ella s'engascha per justia, pasch e preservaziun da la creaziun.

³ Ella procura ch'ìls umans pon purtar lur duns ed experientschas – independent da derivanza, schlattaina, vegliadetgna, abilitads, sanadad, linguatg, cultura u furma da viver – en la vita da la baselgia.

Art. 3

Relaziuns

¹ La Baselgia evangelic-refurmada dal Grischun dat, da cuminanza cun autras baselgias e cuminanzas religiusas, perditga per l'unitad ch'è fundada en Jesus Cristus. Ella rinforza questa unitad en l'uraziun, en il discurs sco er en l'acziun cuminaivla e cun celebraziuns.

² Ella è commembra da la Federaziun da las baselgias evangelicas da la Svizra e quà tras colliada cun la communitad mundiala da las baselgias refurmadas. Ella tgira relaziuns cun autras baselgias ed instituziuns sin nivel chantunal, naziunal ed internaziunal.

³ Ella sustegn ovras diaconicas e socialas en Svizra e l'exteriur sco era missiun e cooperaziun al svilup.

⁴ Ella promova il dialog cun cuminanzas religiusas betg cristianas.

Art. 4

Furma giuridica

¹ La Baselgia evangelic-refurmada dal Grischun e sias plaivs èn corporaziuns dal dretg public.

² Ellas accumulischan lur incumbensas independentamain en il rom da la legislaziun da la baselgia chantunala e statala.

Art. 5

Commembranza

¹ Sco commember da la Baselgia evangelic-refurmada vala mintga persuna cun domicil en il chantun Grischun:

- a) da la quala ils geniturs han declarà la commembranza tar la naschientscha u enfin avair cumplenì il 16avel onn da naschientscha;
- b) che vegn natiers en il chantun sco commembra d'ina baselgia evangelica;
- c) che declera a la suprastanza da la plaiv l'entrada.

² Il batten è en spezial in segn vesavel da la commembranza.

³ Mintga commember appartegn a la plaiv ch'è responsabla per ses lieu da domicil. La lescha regla las excepziuns.

⁴ L'extrada or da la plaiv e da la Baselia chantunala succeda cun communicaziun a scrit a la suprastanza da la plaiv.

II. Baselia evangelic-refurmada dal Grischun

A. INCUMBENSA ED EFFECTIV

Art. 6

¹ La plaiv è purtadra da la vita ecclesiastica, ella procura ina purschida **Incumbensa** confurma.

² Ella porta la respunsabladad per l'annunziaziun da l'Evangelii cun cults divins, scolaziun, pastoraziun, diaconia e svilup da la cuminanza.

Art. 7

¹ L'effectiv da las plaivs è garantì en il rom da la constituziun. Midadas vi **Effectiv** da l'effectiv u la grondezza sa drizzan tenor questa constituziun.

² Per fusiunar u fundar plaivs è necessaria l'approbaziun dal Cussel grond da la baselia evangelica. Precedentamain è da consultar la Regiun ecclesiastica.

³ Il Cussegl grond da la baselia evangelica sa decider la fusiun da plaivs sch'ina plaiv n'è durablamain betg abla d'occupar ses organs u d'ademplir sias incumbensas.

⁴ Il regulativ da plaiv po prevesair che la plaiv è partida en circuls da plaivs. El decida lur incumbensas e l'organisaziun.

B. ORGANISAZIUN

Art. 8**Organs ed uffizis**

Ils organs ed uffizis da la plaiv èn:

1. la totalitad da votantas e votants;
2. la suprastanza da plaiv;
3. l'uffizi da pravenda;
4. il revisurat.

Art. 9**Direcziun cuminaivla da la pleiv**

¹ Tut ils commembers da la plaiv gidan da cuminanza a purtar la vita da la baselgia, conform a lur pussaivladads, lur duns e lur scolaziun.

² Ils commembers da la suprastanza da plaiv e da l'uffizi da pravenda procuran il svilup da la cuminanza e mainan cuminaivlamain la plaiv.

³ Las cumpetenzas da cooperar e da decider e la responsabladad vegnan fixadas en il rom dal regulativ giuridic da la baselgia.

*1. Totalitad dals votants***Art. 10****Cumposiziun**

¹ Il dretg d'eleger e da votar han, independentamain da lur naziunalitad, tut ils commembers che han cumplenì 16 onns.

² La vegliadetgna d'elegibladad cumenza cun avair cumplenì 18 onns.

Art. 11**Radunanzas da plaiv
a) Cumpetenzas**

¹ La radunanza da plaiv è responsabla da:

1. relaschar e midar il regulativ da plaiv;
2. relaschar, midar ed abrogar las leschas;

3. eleger e betg reeleger il president/la presidenta ed ils ulteriurs comembers da la suprastanza da plaiv sco era eventualas substitutas e substituts;
4. eleger il revisurat;
5. eleger ils delegads en la radunanza regiunala da la Regiun ecclesiastica;
6. eleger e betg reeleger plevonessas e plevons;
7. approbar il rapport da gestiun da la suprastanza da plaiv e da l'uffizi da pravenda;
8. approbar il quint annual;
9. fixar il pe da taglia per las taglias da plaiv ed approbar il preventiv;
10. concluder expensas che surpassan il preventiv da l'onn current, premiss ch'il regulativ da plaiv n'ha betg attribuì questa cumpetenzza ad auters organs;
11. concluder iniziativa dal pievel;
12. concluder l'appartegnientscha ad ina Regiun ecclesiastica;
13. concluder da fusiunar cun autras plaivs;
14. far propostas per mauns da la Regiun ecclesiastica u dal Cussegl da baselgia;
15. ulteriuras incumbensas ch'èn attribuidas ad ella tras il regulativ da plaiv u tras leschas da la Baselia chantunala.

² Il regulativ da plaiv sa prevair che conclus speziels ch'èn en la cumpetenzza da la radunza da plaiv vegnan prendids cun votaziuns a l'urna u suttamess al referendum facultativ. Il regulativ da plaiv regla la perioda d'uffizi da la suprastanza da plaiv, dal revisurat e dals delegads en la radunanza regiunala da la Regiun ecclesiastica.

³ Nua che las relaziuns giustifitgeschan sa il regulativ da plaiv attribuir cumpetenzas spezialas:

- a) ad in parlament da plaiv e suttametter quellas al referendum obligatoric u facultativ;

- b) a la radunanza en ils circuls da plaivs per prender ina decisiun u per tractar la chaussa.

Art. 12

b) Convo- caziun

¹ Radunanzas da plaiv han lieu usche savens che las fatschentas pretendan quai, dentant almain duas giadas l'onn.

² La suprastanza da plaiv è responsabla per la convocaziun e l'execuziun.

³ La radunanza da plaiv sto sa radunar entaifer trais mais sche almain tschintg pertschient dals votants pretendan quai a scrit inditgand l'object ch'è da tractar.

Art. 13

c) Dretg d'ob- tengtnair in- furmaziuns

¹ Mintga commember cun il dretg da votar po dumandar da radunanza scleriment da la suprastanza davart ina fatschenta da la plaiv.

² Il scleriment è da dar il pli tard a la proxima radunanza da plaiv.

³ La resposta a la damonda po vegnir spustada u vegn betg dada sche interess impurtants da la plaiv u da terzas personas impedeschan quella.

Art. 14

d) Dretg da proposta

¹ En la radunanza da plaiv po mintga commember cun il dretg da votar far ina proposta tar ina fatschenta che n'è betg inditgada sin la gliesta da las tractandas.

² Sch'ina tala proposta vegn declarada sco impurtanta, ha la suprastanza da plaiv da dar giu rapport latiers, per regla a la proxima radunanza da plaiv, e far ina eventuala proposta.

Art. 15

Iniziativa dal pievel

¹ Cun ina iniziativa dal pievel pon las votantas ed ils votants pretender da tractar ina fatschenta che è en la cumpetenzza da la radunanza da plaiv. Per inoltrar ina iniziativa dal pievel determinescha il regulativ da plaiv il

dumber minimal necessari dals commembers cun il dretg da votar. L'iniziativa po vegnir inoltrada en furma d'in impuls general u d'in sboz elavurà.

² Iniziativas illegalas declara la suprastanza da plaiv sco nunvalaivlas.

³ Ina dumonda d'iniziativa dal pievel preschenta la suprastanza da plaiv, ensemen cun sia posiziun ed eventualmain ina cunterproposta, entaifer nov mais a la radunanza da plaiv per la votazun.

2. Suprastanza da plaiv

Art. 16

¹ La suprastanza da plaiv sa cumpona dad almain tschintg commembers. **Cumposiziun**
En plaivs cun damain che 300 commembers po el consistier dad almain trais commembers ed almain in substitut.

² Ella pren e represchenta ses conclus sco autoritad collegiala.

³ L'uffizi da pravenda è represchentà cun vusch consultativa. La lescha regla las excepziuns.

Art. 17

¹ La suprastanza da plaiv è l'organ executiv da la plaiv. Ella promova la vita **Cumpetenzza**
ecclesiastica en la plaiv. Ella s'occupa da tuttas fatschentas per las qualas nagin'otra autoritad è respunsabla sin fundament da prescripziuns specialas.

² Ella è cumpetenta spezialmain da:

1. exequir ils decrets e conclus da la plaiv;
2. relaschar disposiziuns executivas e ses regulativ da gestiun;
3. preparar las fatschentas e convocar la radunanza da plaiv;
4. preparar las elecziuns da las plevonessas ed ils plevons;
5. engaschar e relaschar ulteriurs collavuratur;
6. reglar las relaziuns d'engaschament en la rama da las normas da la Baselgia chantunala;

7. promover la structuraziun da la plaiv ed approvar offertas ecclesiasticas, projects ed arranschaments;
8. l'instrucziun da religiun a la scola populara;
9. fixar collectas, uschenavant che quellas n'èn betg prescrittas da la Baselgia chantunala;
10. manar e sustegnair collavuraturas e collavuraturis elegids, emploiads e voluntaris;
11. manar las finanzas e la facultad da la plaiv;
12. collavurar tar l'execuziun da decretis e conclus da la Baselgia chantunala;
13. represchentar la plaiv vers anora;
14. garantir la circulaziun d'infurmaziuns tranter plaiv e Regiun ecclesiastica;
15. far propostas per mauns da la Regiun ecclesiastica u dal Cussegl da baselgia.

Art. 18

Convocaziun

La suprastanza da plaiv organischescha regularmain sesidas sin invit da la presidenta u dal president. Ina sesida è er da convocar sch'ina maiortad dals commembers pretenda quai.

3. Uffizi da pravenda

Art. 19

Cumposiziun ed incumbensa

¹ L'uffizi da pravenda sa cumpona da las plevonessas e dals plevons elegids e da las provisuras e dals provisurs emploiads.

² Quels exequeschan lur uffizi en survetsch da la plaiv ed adempleschan lur incumbensa en annunziaziun, scolaziun, pastoraziun, diaconia e structuraziun da la plaiv sin fundament da questa constituziun ed entaifer las disposiziuns legalas.

³ Els partan l'incumbensa tenor necessitad cun diaconas e diacons socials sco era ulteriurs collavuratur confurm a las scolaziuns, pussaivladads e duns respectivs.

Art. 20

¹ Sco plevonessa u plevon pon vegnir elegids unicamain commembers da la Sinoda.

Plevonessas e plevons

² Teologas e teologs che n'èn betg commembers da la Sinoda pon exequir lur activitad en l'uffizi da pravenda cun lubientscha dal Decanat sco provisoras u provisors.

³ Il dretg da la Baselia chantunala regla ils detagls pertutgand l'ordinaziun e l'installaziun en il servetsch ecclesiastic.

4. Revisurat

Art. 21

¹ Il revisurat sa cumpona dad almain dus commembers.

Cumposiziun

² Il revisurat controllescha l'entira contabilitad da la plaiv, rapporta e propona mintg'onn a la suprastanza ed a la radunanza. Sco agid po el consultar in post extern specialisà.

³ Ils organs ed ils collavuratur da la plaiv èn obligads da dar al revisurat las infurmaziuns che quel dovra per ademplir sias incumbensas. I restan resalvadas las disposiziuns davart il secret d'uffizi e da professiun.

⁴ Empè dal revisurat po il regulativ da plaiv prevesair ina cumissiun da gestiun e surdar a quella ulteriuras incumbensas.

5. *Ulteriurs collavuraturas*

Art. 22

Diaconas e diacons socials

¹ Sco diacona u diacon social pon vegnir engaschadas be persunas da las qualas il Cussegl da baselgia ha examinà ed attestà la qualificaziun d'engaschament.

² Els vegnan ordinads per il servetsch diaconic uschenavant ch'els èn engaschads dapi almain in onn en la Baselgia chantunala e n'èn anc betg ordinads.

³ Il dretg da la Baselgia chantunala regla ils detagls pertutgant l'ordinaziun e l'installaziun en il servetsch ecclesiastic.

Art. 23

Ulteriuras collavuraturas e collavuraturas

¹ Ulteriuras collavuraturas e collavuraturas vegnan emploiads u disponids sco voluntaris. Els han las habilitads persunalas e professionalas per exequir lur lavur.

² Il dretg da la Baselgia chantunala po prevesair cundiziuns d'engaschament per singulas funcziuns. El regla l'engaschament en il servetsch ecclesiastic.

III. Regiuns ecclesiasticas

Art. 24

Effectiv ed organisaziun

¹ Las plaivs s'uneschon a Regiuns ecclesiasticas. Las Regiuns ecclesiasticas èn da cunfinar uschia ch'ellas pon exequir lur incumbensas da maniera adequata. Mintga plaiv fa part d'ina Regiun ecclesiastica.

² Las Regiuns ecclesiasticas sa constitueschan sasezzas e reglan lur organisaziun en ils statuts. Organs da la Regiun ecclesiastica èn spezialmain la radunanza regiunala, la suprastanza regiunala ed il revisurat.

³ Ils statuts e lur midadas sco era midadas da l'effectiv ston il Cussegl da baselgia approvar.

Art. 25

¹ La Regiun ecclesiastica è la part che collia las plaivs e la Baselgia chantunala. Ella survescha a la collavuraziun da las plaivs ed è l'organ da consultaziun per il Cussegl da baselgia ed il Cussegl grond evangelic.

Incumbensa

² La radunanza regiunala coordinescha incumbensas regiunalas che survargan las pussaivladads da singulas plaivs.

Art. 26

¹ Organ suprem da la Regiun ecclesiastica è la radunanza regiunala. Quella sa cumpona dals delegads da las plaivs e dals commembers dal Cussegl grond evangelic che abiteschan en la Regiun ecclesiastica.

Cumposiziun

² Mintga plaiv deleghescha almain mintgamai in commember da la supranza da plaiv e da l'uffizi da plaiv. Ils statuts da la Regiun ecclesiastica reglan il dumber da delegads da las plaivs.

³ Ils statuts pon prevesair che ulteriuras persunas prendan part cun vusch consultativa a la radunanza.

Art. 27

La Regiun ecclesiastica è cumpetenta da:

Cumpetenzza

1. relaschar e midar ils statuts;
2. barats tranter las plaivs;
3. tractar dumondas regiunalas;
4. planisar ed organisar ils servetschs ecclesiastics e la substituziun entaifer la Regiun ecclesiastica cun la resalva dals dretgs da las plaivs;
5. instradar e promover projects per la collavuraziun en la regiun;
6. ademplir incumbensas che las plaivs surdattan ad ella;
7. sustegnair las plaivs tar la scolaziun dals collavuratur voluntaris;
8. eleger ils delegads da la Regiun ecclesiastica en il Cussegl grond evangelic;

9. predeliberar e tractar consultaziuns ch'íl Cussegl grond evangelic ha da concluder;
10. tractar tuttas dumondas ch'íl Cussegl da baselgia preschenta a las Regiuns ecclesiasticas;
11. far propostas, impuls e dumondas per mauns dal Cussegl da baselgia;
12. cooperar tar l'execuziun dals conclus dal Cussegl grond evangelic;
13. emprim post da consultaziun tar l'intermediaziun da conflicts entaifer u tranter las plaivs-commembras;
14. installar sinodals en las plaivs;
15. recumandar, survegliar ed accompagnar predicantas e predicants laics;
16. prender il referendum facultativ tenor norma dal dretg da la Baselgia chantunala.

IV. Organs da la Baselgia evangelic-refurmada dal Grischun

A. DETERMINAZIUNS GENERALAS

Art. 28

Incumbensa

¹ La Baselgia chantunala represchenta ils interess da la totalitad da sias commembras, plaivs e Regiuns ecclesiasticas vers anora ed a l'intern. Ella promova l'acziun cuminaivla e sustegn plaivs e Regiuns ecclesiasticas tar incumbensas che survargan lur pussaivladads.

² Ils organs da la Baselgia chantunala tgiran e rinforzan la multifariadad linguistica e culturala en lur champ d'incumbensas. Els procuran spezialmain ch'ins resguarda ils trais linguatgs chantunals.

Art. 29

Organs da la Baselgia chantunala èn:

Organs

1. Totalitad da las votantas e dals votants;
2. Cussegl grond evangelic;
3. Sinoda;
4. Cussegl da baselgia;
5. Cumissiun da recurs.

B. TOTALIDAD DALS VOTANTS**Art. 30**

¹ Il dretg da votar e d'eleger han, independent da lur naziunalitad, tut ils commembers che han cumplenì 16 onns. **Cumposiziun**

² La vegliadetgna d'elegibilitad cumenza cun avair cumplenì 18 onns.

Art. 31

¹ A la votaziun dal pievel vegnan suttamess:

Referendum

1. decrets e midadas da la constituziun;
2. iniziativa dal pievel ch'il Cussel grond evangelic refusa u las qualas el confrunta cun ina cunterproposta;
3. conclus ch'il Cussegl grond evangelic suttametta a la votaziun.

² Sche 400 votantas e votants u trais Regiuns ecclesiasticas pretendan en-taifer trais mais dapi la publicaziun uffiziala vegnan suttamess a la votaziun dal pievel:

1. decrets, midadas ed abrogaziuns da leschas;
2. conclus dal Cussegl grond evangelic davart novas expensas unicas da pli che 500'000 francs u novas expensas che sa repetan da pli che 250'000 francs.

Art. 32**Iniziativa dal pievel;
a) Object,
furma e
valaivladad**

¹ 800 votantas e votants pon pretender cun ina iniziativa en furma d'ina proposta generala u d'in sboz elavurà:

1. la revisiun da la constituziun da baselgia;
2. il decret, la revisiun u l'abrogaziun d'ina lescha.

² Ina iniziativa dal pievel è dal tut u parzialmain nunvalaivla sch'ella violescha l'unitad da la furma u da la materia, sch'ella cunterfà al dretg surordinà u sch'ella è nunrealisabla.

³ Davart la nunvalaivladad decida il Cussegl grond evangelic sin proposta dal Cussegl da baselgia. Questa decisiun po vegnir tratga vinavant a la cumissiun da recurs.

Art. 33**b) Procedura**

¹ Las glistas cun las suttascripziuns èn d'inoltrar en total ed il pli tard in onn suenter la publicaziun officiala dal text da l'iniziativa.

² Ina iniziativa dal pievel respectiv in sboz elavurà sin basa d'ina proposta generala ston vegnir suttamess entaifer 24 mais dapi l'inoltraziun a la votaziun dal pievel u al referendum facultativ.

³ Il Cussegl grond evangelic po far tar mintga iniziativa ina cunterproposta. Las votaziuns davart l'iniziativa e la cunterproposta han lieu en il medem mument.

C. CUSSEGL GROND EVANGELIC**Art. 34****Incumbensa**

Il Cussegl grond evangelic è sco legislatur l'organ suprem da la Baselia chantunala resalvond l'autorisaziun da la totalitad da las votantas e dals votants.

Art. 35

¹ Il Cussegl grond evangelic sa cumpona da:

Cumposiziun

1. ils commembers dal Cussegl grond dal chantun Grischun che fan part da la Baselgia chantunala evangelic-refurmada e che s'obligheschan explicit da collavurar en il Cussegl grond evangelic. Il regulativ da gestiun regla ils mandats da las substitutas e dals substituts;
2. 60 deputads che las Regiuns ecclesiasticas elegian or da lur territori. Mintga Regiun ecclesiastica ha il dretg sin almain dus deputads. Ils mandats restants vegnan repartids sin las Regiuns ecclesiasticas en relaziun da lur commembers.

² Ils commembers dal Cussegl da baselgia sa participeschan cun vusch consultativa a las sesidas dal Cussegl grond evangelic.

Art. 36

¹ La perioda d'uffizi sa drizza tenor quella dal Cussegl grond dal chantun Grischun.

Constituziun

² Il Cussegl grond da la baselgia evangelica elegia per ina perioda da dus onns ina presidenta u in president sco er duas vicepresidentas u -presidents.

Art. 37

Il Cussegl grond da la baselgia evangelica è cumpetent da:

Cumpetenzza

1. predeliberar ed approbar tuttas propostas ch'èn suttamessas a la votaziun dal pievel;
2. relaschar disposiziuns impurtantas en la furma da la lescha;
3. relaschar ses regulativ da gestiun;
4. decider collavuraziuns obligantas cun autras baselgias ed organisaziuns;
5. survegliar il Cussegl da baselgia e la cumissiun da recurs sco era la sorveglianza suprema da l'administraziun da la Baselgia chantunala e las fundaziuns ecclesiasticas;

6. approvar il preventiv e fixar il pe da taglia;
7. approvar il rapport uffizial ed il quint annual;
8. prescriber collectas da la Baselgia chantunala;
9. eleger quatter commembers dal Cussegl da baselgia che na fan betg part da la Sinoda;
10. eleger la presidenta u il president e la vicepresidenta u il vicepresidente dal Cussegl da baselgia;
11. eleger trais commembers ed in commember-substitut da la cumissiun da recurs;
12. eleger la cumissiun da gestiun e da cumissiuns predeliberantas;
13. ulteriuras incumbensas ch'èn assegnadas ad el atras il dretg da la Baselgia chantunala.

D. SINODA

Art. 38

Incumbensa

La Sinoda surpiglia incumbensas spiritualas da la Baselgia chantunala e sustegn quella cun cumpetenzza teologica e respunsabladad tar l'execuziun da sia incumbensa tenor artitgel 1 e 2. Ella promova il dialog da l'annunziaziun en pled e sacrament, conserva e furma la liturgia. Ella tgira la convivenza collegiala tranter las plevonessas ed ils plevons.

Art. 39

Cumposiziun

¹ La Sinoda sa cumpona da las plevonessas e dals plevons evangelic-refurmad ch'èn recepids atras lur regulativ, ch'èn engaschads d'ina plaiv u da la Baselgia chantunala, u ch'èn ids en pensiun sco tals e ch'èn domiciliads en il chantun Grischun. Il regulativ da gestiun po definir ulteriurs participants.

² La Sinoda constituescha sasezza.

³ Ils commembers dal Cussegl da baselgia sa participeschan per regla a las sesidas cun vusch consultativa.

Art. 40

La Sinoda sa raduna per regla ina giada l'onn. Il lieu da sia sesida ordinaria elegia ella mintgamai l'onn avant. **Sesida**

Art. 41

La Sinoda è cumpetenta da:

Cumpetenza

1. eleger la decana u il decan, las duas vicedecanas e/u –decans sco era ils ulteriurs commembers dal decanat;
2. eleger dus commembers dal Cussegl da baselgia;
3. eleger dus commembers ed in commember-substitut da la cumissiun da recurs;
4. far l'ordinaziun a Verbi Divini Ministra/Verbi Divini Minister (servienta/servient al pled da Dieu);
5. recepir en la Sinoda plevonessas e plevons ordinads resalvond il dretg surordinà;
6. surveglianza suprema da l'administraziun d'uffizi da las plevonessas e dals plevons e decider davart l'exclusiun da la Sinoda;
7. tractar dumondas sociologicas ed ecclesiasticas ord vista da la teologia;
8. relaschar ses regulativ da gestiun;
9. discutir ils sbozs da leschas;
10. avoir quità da liturgia, cudeschs da chant sco era plans e meds per l'instrucziun da religiun;
11. relaschar directivas davart l'etica professiunala e profils directivs;
12. far propostas, dumandas e dar impuls per mauns dal Cussegl da baselgia u dal Cussegl grond evangelic;
13. prender conclus davart posiziuns publicas;

14. ulteriuras incumbensas che vegnan assegnadas ad ella tras il dretg da la Baselgia chantunala u dal Cussegl da baselgia.

Art. 42

Decanat

¹ Il Decanat sa cumpona da la decana/il decan, duas vicedecanas e/u -decans sco era ulteriurs commembers tenor la norma dal regulativ da gestiun da la Sinoda. La decana u il decan presidescha el.

² La perioda d'uffizi dura quatter onns. Il regulativ da gestiun da la Sinoda regla la reeligibilitad.

³ Il Decanat ha en spezial da:

1. manar la Sinoda;
2. exequir ils conclus da la Sinoda;
3. represchentar la Sinoda entaifer la Baselgia chantunala e vers anora;
4. dar la lubientscha a persunas betg commembras da la Sinoda per acts uffizials da la pravenda;
5. intermediar tar conflicts ch'ins n'ha betg pudì schliar en la Regiun ecclesiastica;
6. prender encunter recurs da surveglianza cunter commembers da la Sinoda, examinar quels e trasmetter eventualmain quels al Cussegl da baselgia (tar violaziuns da l'obligaziun da servetsch);
7. decider, tar violaziuns dal duair da professiun, mesiras tenor il dretg da controlla, uschenavant che la Sinoda n'è betg responsabla per quai.

Art. 43

Conferenza pastorala

¹ Ils Commembers da la Sinoda, las provisuras ed ils provisurs s'inscuntran entaifer las Regiuns ecclesiasticas tar conferenzas pastoralas regionalas. Latiers pon els envidar las diaconas ed ils diacons socials.

² La conferenza pastorala regionala constituescha sasezza. Ella serva al perfecziunament professiunal, al barat collegial sco era per discutir tematicas ch'il Decanat ha attribuì ad ella. L'organisaziun è l'incumbensa dal presidi.

E. CUSSEGL DA BASELGIA

Art. 44

¹ Il Cussegl da baselgia è l'autorità directiva ed executiva da la Baselgia chantunala resalvond las cumpetenzas dal Cussegl grond evangelic. **Incumbensa**

² El pren e represchenta sias decisiuns sco grems collegial.

Art. 45

¹ Il Cussegl da baselgia sa cumpona da set commembers ch'il Cussegl grond evangelic respectiv la Sinoda elegia. La decana u il decan fa part ex officio dal Cussegl da baselgia. **Cumposiziun**

² La perioda d'uffizi dura quatter onns.

³ Ils commembers pon far part maximalmain 12 onns dal Cussegl da baselgia. Per la decana u il decan vala la regla davart la perioda d'uffizi e la reeligibilitad dal Decanat. Sch'in commember dal Cussegl da baselgia vegn elegì sco presidenta u president è ses temp d'uffizi en total maximalmain 16 onns.

Art. 46

¹ Il Cussegl da baselgia exequescha sia incumbensa classada tenor departaments, mintga cussegl da baselgia maina in da quels. **Departaments**

² Il Cussegl da baselgia fixescha ils champs d'incumbensas dals departaments; el reparta a mintga commember la direcziun d'in departament.

³ Ils commembers dal Cussegl da baselgia èn suttamess en lur funcziun sco manadras u manaders da departament al Cussegl da baselgia sco autorità complessiva.

Art. 47**Cumpetenzza**

¹ Il Cussegl da baselgia è cumpetent da:

1. exequir tuts decrets da la Baselgia chantunala, uschenavant che auters organs n'èn betg cumpetents per quai;
2. relaschar disposiziuns executivas e disposiziuns damain impurtantas en la furma dal regulativ;
3. relaschar in regulativ da gestiun;
4. represchantar la Baselgia chantunala vers anora;
5. observar ils svilups sociologics ed ecclesiastics e formular finamiras d'acziun da la Baselgia chantunala;
6. preparar las tractandas dal Cussegl grond evangelic;
7. promover e sustegnair las plaivs tar lur structuraziun e svilup;
8. survegliar las plaivs e las Regiuns ecclesiasticas;
9. survegliar las fundaziuns ecclesiasticas;
10. confirmar l'elecziun da plevonessas e plevons ed approvar il contract da lavur;
11. approvar ils contracts d'engaschament d'ulteriuras collavuraturas e collavuratur;
12. tgira dals contacts cun las plaivs e las Regiuns ecclesiasticas;
13. prescriber visitaziuns;
14. eleger ed engaschar collavuraturas e collavuratur da la Baselgia chantunala;
15. installar cumissiuns da la Baselgia chantunala ed eleger ils commembers;
16. manar las finanzas;
17. organisar e manar ina lavur da publicitad effectiva;

² En sia cumpetenzza èn plinavant tuttas incumbensas per las qualas in auter organ n'è betg cumpetent explicitamain.

Art. 48

¹ La surveglianza da las plaivs e las Regiuns ecclesiasticas sa limitescha sin la controlla giuridica, quai uschenavant che la lescha n'ha betg determinà insatge auter.

**Autorisaziun
da survegli-
anza**

² Tar dischurden economic, nunobservaziun da las mesiras decretadas u tar auters fatgs gravants po il Cussegl da baselgia decretar elecziuns novas u prender autras mesiras confurmas.

³ Per garantir l'abilitad d'agir da la plaiv po il Cussegl da baselgia instituir ina curatura u in curatur.

⁴ Tar violaziuns gravantas da l'obligaziun da servetsch po il Cussegl da baselgia suspender commembers da las autoritads, plevonessas e plevons u relaschar els da lur uffizis en la plaiv.

⁵ Ulteriurs detagls regla la lescha.

F. CUMISSIUN DA RECURS**Art. 49**

La cumissiun da recurs giuditgescha recurs e plants administrativs envers disposiziuns e decrets da las plaivs, las Regiuns ecclesiasticas ed ils organs da la Baselgia chantunala.

Incumbensas**Art. 50**

¹ La cumissiun da recurs sa cumpona da tschintg commembers e dus commembers-substituts ch'il Cussegl grond evangelic resp. la Sinoda elegia.

Cumposiziun

² La perioda d'uffizi dura quatter onns. Ils commembers da la cumissiun da recurs èn reelegibels.

³ La cumissiun da recurs sa constituescha sasezza.

Art. 51**Procedura**

¹ Cun il recurs pon vegnir fatg valair:

1. violaziuns dal dretg da la Baselgia chantunala;
2. violaziuns da disposiziuns dal dretg ecclesiastic da la Baselgia chantunala;
3. violaziuns da garantias constituziunalas democraticas e legalas sco er dretgs constituziunals.

² Cunter las decisiuns da la cumissiun da recurs po vegnir recurrì a norma dal dretg chantunal a la dretgira administrativa dal chantun Grischun.

G. CHAPITEL DIACONAL ED ULTERIURAS ASSOCIAZIUNS**Art. 52****Chapitel diaconal**

¹ Il Chapitel diaconal sa cumpona da las diaconas e dals diacons socials ch'èn activs en la Baselgia chantunala. Cun proposta dal presidi po el clamar ulteriurs commembers.

² Ils commembers dal Cussegl da baselgia pon sa participar cun vusch consultativa a las sesidas.

³ Incumbensas dal chapitel diaconal èn il barat tranter ses commembers, lur perfecziunament sco er ulteriuras incumbensas ch'il dretg da la Baselgia chantunala u il Cussegl da baselgia attribuescha ad el.

Art. 53**Associaziuns professunalas**

¹ La Baselgia evangelic-refurmada dal Grischun po sustegnair associaziuns en las qualas lur collavuratur s'uneschan spezialmain cun l'intent da sa barattar e sa perfecziunar.

² Il Cussegl da baselgia taidla precedentamain las associaziuns professiunalas sch'in project pertutga direct lur commembers.

V. Determinaziuns cuminaivlas

Art. 54

¹ Autoritads ecclesiasticas e cumissiuns èn ablas da concluder sche la maioritad dals commembers è preschenta. Questa disposiziun na vala betg per radunanzas da plaiv e votaziuns a l'urna.

**Cumpetenz
da decider**

² I restan resalvadas reglaziuns spezialas dal dretg da la Baselia chantunala.

Art. 55

¹ Da la medema autoritad u cumissiun na dastgan betg far part, cun excepziun da la Sinoda e dal Cussegl grond evangelic:

**Incumpatibi-
lità**

1. conjugals;
2. partenarias u partenaris registrads;
3. persunas che mainan ensemen ina cuminanza factiva da vita;
4. parents u parentads tras maridaglia enfin il secund grad.

² La medema incumpatibilitad vala era tranter revisurat e suprastanza da plaiv respectiv tranter cumissiun da gestiun e Cussegl da baselia.

³ Nagin dastga far part en il medem mument dal Cussegl grond evangelic, dal Cussegl da baselia u da la cumissiun da recurs.

Art. 56

¹ Ils commembers d'autoritads ecclesiasticas e cumissiuns han da prender recusaziun tar il tractament da fatschentas tar las qualas els sez u ina persuna incumpatibla en il senn da l'artitgel 55 han in interess direct e persunal.

Recusaziun

² Tar decrets ed elecziuns na vala nagin obligaziun da recusaziun.

Art. 57**Obligaziun da discreziun**

¹ Commembers da las autoritads ecclesiastias e cumissiuns, plevonessas e plevons, diaconas e diacons socials sco er las ulteriuras employadas ed employads da la baselgia e collavuraturas e collavuratur voluntaris èn suttamess a l'obligaziun da discreziun.

² Excepziuns sco er dispensaziuns da l'obligaziun da discreziun regla la lescha.

Art. 58**Protocollaziun**

¹ Da las sesidas da las autoritads ecclesiasticas e da las cumissiuns èn da manar protocols che dattan scleriment almain da las decisiuns e dals resultats da las elecziuns.

² Ils protocols da las radunanzas da plaiv e da las sesidas publicas dal Cussegl grond evangelic èn accessibels a tuttas votantas e votants. L'access als protocols da las ulteriuras autoritads ecclesiasticas e cumissiuns regla il dretg da la Baselgia chantunala.

³ Il dretg d'avair invista po vegnir ademplì cun surdar in extract dal protocol.

Art. 59**Dretg subsidiar**

Uschenavant che questa constituziun na cuntegn determinaziuns spezialas ed uschenavant che la Baselgia chantunala e las plaivs na relaschan betg ina legislaziun executiva, valan las disposiziuns dal dretg chantunal confirm al senn sco agen dretg da la Baselgia evangelic-refurmada dal Grischun.

VI. Regulativ finanzial

Art. 60

¹ Las plaivs e la Baselgia chantunala administreschan lur facultad e mainan la contabilitad. La gestiun da las finanzas fan ellas tenor ils principis da la legalitad, da l'egualitad e da l'efficacitad.

Principis

² Ellas fixeschan lur pe da taglia uschia ch'ellas cuntanschan a media vista e cun premura ina gestiun finanziala equilibrada.

³ Detagls regla la lescha.

Art. 61

¹ Las plaivs sa finanzieschan spezialmain cun:

1. entradas da taglia;
2. entradas da la facultad;
3. donaziuns, legats e contribuziuns da terzas persunas;
4. contribuziuns da la gulivaziun da finanzas;
5. contribuziuns da la Baselgia chantunala.

**Procurar
ils meds
finanzials**

² La Baselgia chantunala sa finanziescha spezialmain cun:

1. entradas da taglia;
2. entradas da la facultad;
3. donaziuns, legats e contribuziuns da terzas persunas;
4. sia cumpart a la taglia da cultus;
5. contribuziuns dal chantun sco er d'autras corporaziuns ed instituziuns.

³ Las plaivs e la Baselgia chantunala incassan taglias a norma dal dretg chantunal.

Art. 62

¹ Cun la gulivaziun da finanzas stgaffescha la Baselgia chantunala la premissa che las plaivs pon ademplir lur incumbensa.

**Gulivaziun da
finanzas**

² Ella finanziescha quella sur las entradas da taglia.

³ Detagls regla la lescha.

VII. Disposiziuns finalas

Art. 63

Entrada en vigur

¹ Questa constituziun entra en vigur ils 1. da schaner 2019.

² Sin quest termin vegn abrogada la constituziun da la Baselia evangelic-refurmada dal chantun Grischun dals 26 da favrer 1978.

Art. 64

Valaivladad limitada dal dretg vegl

¹ Decrets ch'èn vegnids decidids d'ina autoritad che n'è betg pli cumpetenta u d'ina procedura che n'è betg pli valaivla restan en vigur.

² Il midament da quests decrets sa drizza tenor questa constituziun.

³ Sch'igl è da relaschar nov dretg tenor questa constituziun u da midar dretg existent, han las lavurs correspudentas da cumenzar senza retardar.

Art. 65

Disposiziuns transitoricas

¹ Ils commembers da las autoritads e da la cumissiun da recurs restan en uffizi tenor il dretg vegl enfin che la perioda d'uffizi finescha.

² Tar ils organs ed ils commembers elegids dal Colloqui decida il Cussegl da baselia sin proposta da la radunanza dal Colloqui sche la perioda d'uffizi vegn prolunghida enfin che las Regiuns ecclesiasticas remplazzan quel, ubain sch'igl è d'organisar elecziuns novas u da remplazzament.

Art. 66

Plaivs

Las plaivs adatteschan lur regulativs da plaiv enfin ils 31 da december 2021 a questa constituziun.

Art. 67

¹ Las suprastanzas dals Colloquis han tenor la constituziun da la Baselia chantunala dals 26 da favrer 1978 l'incumbensa da suttametter als organs cumpetents ed a las plaivs enfin il pli tard ils 31 da december 2019 propostas co ch'ina Regiun ecclesiastica duai vegnir concepida. La Baselia chantunala sustegn ils Colloquis latiers.

² Enfin che las Regiuns ecclesiasticas èn sa furmadas en il senn da questa constituziun adempleschan ils Colloquis d'enfin quà las incumbensas da la Regiun ecclesiastica.

³ Las Regiuns ecclesiasticas entschaivan lur activitads enfin il pli tard ils 1. da schaner 2021.

**Regiuns
ecclesiasticas**

Art. 68

En il rom da lur cumpetenzas pon il Cussegl da baselia respectiv il Cussegl grond evangelic adattar il num da la Federaziun da las baselgias evangelicas da la Svizra en l'artitgel 3 Abs. 2 al resultat da la revisiun da sia constituziun.

**Revisiun da la
constituziun
Cussegl evan-
gelic svizzer**